

**Siunnersuut uunga: Aalisarnermut aningaasaliissutitut immikkoortitat pillugit
Inatsisartut inatsisaata allanngortinnera pillugu Inatsisartut inatsisaat nr. xx af xx yy
2012-imeersoq**

(Aalisarnermut, Piniarnermut Nunalerinermullu Naalakkersuisoq)

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISUTAA.

Siunnersuutip aappassaaneerpeqarnerani saqqummiunneqartoq.

Ataatsimiititaliami suliaqarnermi kingullermi ilaasortat uku peqataapput:

Inatsisartunut ilaasortaq Aqqaluaq B. Egede, Inuit Ataqtigiit, Siulittaasoq
Inatsisartunut ilaasortaq Jørgen-Ole N. Nielsen, Demokraatit, Siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Finn Karlsen, Siumut
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Hans Enoksen, Siumut
Inatsisartunut ilaasortaq Karl Lyberth, Siumut

UPA 2012-mi ulloq 3. maj 2012 siullermeerereernerup kingorna siunnersuut Ataatsimiititaliap misissorpaa.

1. Siunnersuutip imaa aamma siunertaa

Aalisartut marluk amerlanerilluunniit angallatiminnik isaterinermut tapiissutisisinnaanerat siunnersuutikkut periarfissiissutigineqarpoq, peqatigitillugulu aalisarnermut akuersissutit piigiinnarlugit, angallammik nutaamik ataatsimik pissarsiniarnermut taakku aalisartut ataatsimoorlutik angallatiminnut isaterinissamut qinnuteqaateqarsimappata.

Inatsisimi atuuttumi § 1 naapertorlugu siunertamut ilaavoq maannakkut siunissamilu pisaqarnissamut periarfissanut naleqqiullugu ilaatigut aalisariutit angissusaasa naleqqussarnissaannik

sinaakkusiinissaq, taamaattumik akuersissutit peerneqarnerisigut angallatit isaternissaannut tapiissutit tunniunneqarsinnaapput. Inatsisissatut siunnersuummut uunga inatsimmut oqaaseqaatit naapertorlugit, § 15 malillugu tapiissutit naatsorsorneqarnerannut aallaavigineqarpoq angallammik piginnittup aalisarnermiit ataavartumik ilaajunnaarnerani taartisiassatut aningaasatigut iluaquserneqarnissaa.

Isaterinermi aalisarnermut akuersissutip atorunnaartarneranik pingaarnertut maleruagassaq Inatsisissatut siunnersuummi uani ilaatinneqanngilaq, taamatullu aalisariutit isaterneqarnissaannaannut tapiissutinik taamaallaat tunniussisoqarsinnaavoq periarfissap atorneqarnissaa aalisartut kissaatigippassuk.

Siunnersuut Aalisarnermut, Piniarnermut Nunalerinermullu ataatsimiititaliap (matuma kingorna Aalisarnermut ataatsimiititaliap imaluunniit Ataatsimiititaliap) UKA 2011/104-p pingajussaaneerneqarneranut ilassutitut isumaliutissiissutaa tunniunneqartoq tunuliaqutaralugu saqqummiunneqarpoq, tassani 2012-mi upernaakkut katersuunnermut allannguutissatut siunnersuummik Naalakkersuisut saqqummiussissasut Ataatsimiititaliap kaammattorpai, taamaalilluni:

”... angallammik piginnittoq angallatip isaternissaannut tapiissutinik qinnuteqarneranut peqatigitillugu aamma nutaamut imaluunniit tassunga atatillugu angallammut taamaaqataanut qinnuteqaammik nassiussisimappat aalisarnermut akuersissutip akuersissutillu allat piginnittumit pigiinnarneqarsinnaanerani ammanneqassalluni.” (qupp. 3)

2. Siunnersuutip Inatsisartuni siullermeerneqarnera

Partiit amerlanerussuteqartut siunnersuut tapersersorpaat. Inuit Ataqaatigiit annertunerusumik oqaaseqaateqarnatik siunnersuut akuerisassatut inassutigaa. Demokraatit siunnersuut aamma tapersersorpaat, aalisariutit qanganitsertut ullutsinnullu naleqqukkunnaartut aalisarunnaartinissaat tamannalu aqqutigalugu iluarsartuussineq kiisalu aalisariutinik ikilisitsineq anguneqassammat. Siumumit oqaatigineqarpoq, aalisarnermut akuersissut pigiinnarsinnaaniarlugu angallammik nutaamik pissarsinissamut aalisartut kattunnissaat piunasaqaataasariaqanngitsoq, kisiannili aalisartumut ataatsimut angallammut nutaamut aningaasaliinissamik kissaateqartumut aalisarnermut akuersissutip pigiinnarsinnaaneranut periarfissaq aamma atuuttariaqartoq.

3. Tusarniaanermiit akissutit

Tusarniaanermiit akissutit tunniunneqartut inatsisissatut siunnersuummut ilanngussaq 1-tut tapiliunneqarput.

Inatsisissatut siunnersuummut oqaaseqaatini nalinginnaasuni allassimavoq, tusarniummut akissutigineqartut siunnersuummut allannguutissanik kinguneqanngitsut. Taamaattorli angallataatillit marluk amerlanerilluunniit ataatsimoorlutik angallataatitoqqaminut isaterinermut tapiissutinik nutaamillu angallammik ataatsimoorussamik pisaarnissamut tapiissutinik qinnuteqassappata, assigiinngitsunik aalisariaaseqarnermut akuersissuteqarsinnaanermik inatsisissatut siunnersuut periarfissiinersoq, Kalaallit Nunaanni Sulisitsisut (GA) apeqquteqartut Ataatsimiititaliap maluginiarpa. GA isumaqarpoq assigiinngitsunik aalisariaaseqarnerq periarfissaasariaqartoq.

Inatsisissamut siunnersuummut oqaaseqaatini ajornartorsiummut tassunga Naalakkersuisut qanoq isummernersut ajoraluartumik allassimannngilaq. Tamanna tunngavigalugu Aalisarnermut, Piniarnermut Nunalerinermullu naalakkersuisumut Ataatsimiititaliaq allakkatigut apeqquteqarpoq, inatsisissatut siunnersuut una malillugu assigiinngitsunik aalisariaaseqarnerq pillugu immikkut maleruagassat atuunnersut paasiniarlugu (ilanngussaq 2-1). Akissutitut allakkami (ilanngussaq 2-2) taamaattoqanngitsoq akissutigineqarpoq. Inatsisissatut siunnersuut una naapertorlugu angallataatillit marluk siusinnerusukkut assigiinngitsunik aalisarsimasut ataatsimoorlutik angallammik nutaamik pissarsippata, taamaalillutillu akuersissutitik pigiinnarsinnaagaat, tamanna ajornartorsiutitaqanngitsoq aamma Naalakkersuisoq isumaqarpoq. Tamanna uumasogatigiit marluk aalisarneranni teknikikkut piumasagaatit aamma susassaqarfimmi inatsisit atuuttut angallammit nutaamit naammassineqarsimanissaat piumasagaataasariaqartoq Ataatsimiititaliaq isumaqarpoq.

Ulloq 7. september Naalakkersuisumit Ane Hansenimit ulloq 9. juli ullulernerqarsimasumik Ataatsimiititaliaq saaffiginnissummik allagarsivoq. Taanna isumaliutissiisummut ilanngussaq 3-tut tapiliunneqarpoq. Saaffiginnissummi allassimavoq:

”Aalisakkanik assigiinngitsunik aalisarsinnaaneq tassungalu atatillugu aqutsinermi ingerlatseriaaseq inatsisit allat atorlugit naleqqussarneqarput, aamma inatsisissatut siunnersuusiornermi aalisakkanik assigiinngitsunik aalisarsinnaanermi periarfissat killiliussallu allanngortinneqarnissaat siunertarineqanngilaq. Aalisarnissamut akuersissutit atuutiinnarneqarnerannut tunngatillugu oqaatigineqassaaq, aalisariutinik marlunnik amerlanerusunilluunniit piginnittut, assersuutigalugu raajarniutaatillit saattuarniutaatillillu angallamminnik isaterinissamut tapiissutinik qinnuteqarnertik ilutigalugu, angallammik ataatsimik ataatsimoorussamik pissarsiniarnerminnut tapiissutinik qinnuteqarnerat, ataatsimoorussamik aalisariutitaarineqartup aalisakkanik assigiinngitsunik aalisarsinnaanera killilerneqanngilaq.

Taamaalilluni tusarniaanermi akissutit siunnersuummik allannguititsinngillat.”

Tusarniaanermut akissutitut aamma tusarniaanermik ingerlatsinermut naammattumik nassuiaat Inatsisartut aalajangiinissaannut tunngavissatut ilapittuutaavoq pingaarutilik, siunnersuutillu siunertamut tulluurtuunerata ersersinneqarsimaneranik naliliinissamut Inatsisartut ataatsimiititali allu susassaqtut ikiussallugit. Tamanna tunngavigalugu tusarniaaneq qaqugukkut ingerlanneqarsimanersoq aamma akissuteqarnissamut piffissaliineq inatsisissatut siunnersuutip nassuiaatitaanni siunissami allanneqartarnissaat Ataatsimiititaliap Naalakkersuisunut eqqaamaqquaa. Aamma tamakku qanoq annertutigisumik inatsisissatut siunnersuummut ilanngussunneqarsimanersut, inatsisissatullu siunnersuummut qanoq annertutigisumik ilanngussunneqarsimannginersut, kiisalu tamatumunnga suna tunngaviunersoq tusarniaanermut akissutitut atatillugu inatsisissatut siunnersuummut nassuiaatini nassuiarneqartariaqarpoq.

4. Apeqqutit

Siunnersuutip Ataatsimiititaliamit suliarineqarneranut atugassatut apeqqutit arlallit akineqasasut Aalisarnermut, Piniarnermut Nunalerinermullu Naalakkersuisoq Ataatsimiititaliap qinuigisimavaa. Ataatsimiititaliap apeqqutaasa assilineqarneri aamma Naalakkersuisup akissutaa isumaliutissiissummut uunga ilanngussaq 2-1-tut tapiliunneqarpoq.

5. Ataatsimiititaliap siunnersuummik suliaqarnera

Isaterinermut tapiissutit pillugit tapiisarnermut tunngavissap allanngortinneqarnissaa pillugu inatsisissatut siunnersuutip (UKA 2011/104) pingajussaaneerineqarneranut, isaterinermut tapiissutit aningaasaliissutigereerneratigut aalisartut marluk amerlanerilluunniit akuersissutiminnik pigisaqaannarsinnaanermut periarfissiisumik Aalisarnermut ataatsimiititaliap kammatuuteqarneratigut Naalakkersuisut allannguutissatut siunnersuummik saqqummiussipput, angallammut ataatsimut nutaarluinnarmut ataatsimoorlutik tapiissuteqarnissamik qinnuteqaammik ataatsikkut nassiussisimagunik. Taamaalilluni aalisartut marluk amerlanerilluunniit angallammik nutaarluinnarmik siusinnerusukkut piginnittoqarsimanngitsumik ataatsimoorlutik pisaassasut allannguutissatut siunnersuutikkut piumasaqaataavoq.

Pingajussaarinermut ilassutitut isumaliutissiissummini allannguutissatut siunnersuut taanna Aalisarnermut ataatsimiititaliap itigartippaa, periarfissaasariaqarmat:

”...inuup ataatsip angallat nutaanngitsaq isatertikkuniuk kisimiilluni piginnittutut angallammik nutaamik imminut akilersinnaasumik pisaaruni, aalisarnermut akuersissutit akuersissutillu allat piginnarnerannut periarfissaq ammaanneqartariaqartoq.” (qupp.2)

Aamma

”...tunngaviatigut angallat nutaajussasq, kisiannili aamma angallammik nutaajunerusumik

angallammut nutaaliamut ingerlalluartumullu piumasagaatinik naammassinnissimasumik pisaarnissamut periarfissiisoqartariaqartoq.” (qupp.2)

Ataatsimiititaliap naammagisimaarlugu maluginiarpaa, Ataatsimiititaliap kaammattuutai Naalakkersuisut malissimagaat, aamma Aalisarnermut immikkoortitat pillugit Inatsisartut inatsisaata allanngortinneqarnissaanut siunnersuummik nutaamik UPA 2012-mut saqqummiussisimammata, tassani aalisarnermut akuersissutit pigiinnarsinnaaneranut siornatigut piginnitseqarsimanngitsumik angallammik nutaarluinnarmik aalisartut pissaarnissaat piumasagaataanini.

Ataatsimiititaliap maluginiarpaa, angallammik nutaamik/nutaanerusumik pisaarnissamut peqatigitillugu tapiissutinik qinnuteqartoqarpaa aalisartup ataatsip akuersissumminik pigisaqaannarnissaanut atatillugu Ataatsimiititaliap kaammattuutai Naalakkersuisut malissimannigikkaat, kisiannili isaterinermut tapiissutinik pissarsinnaanerimut aalisartut marluk arlallilluunniit ataatsimoorlutik angallammik nutaamik/nutaanerusumik pisaarnissaq pillugu qinnuteqassasut sulii piumasagaataasoq. Tamanna Ataatsimiititaliap ajuusaarnartilluinnarpaa.

Ataatsimiititaliap arajutsisimannigilaa, sinerissamut qanittumi aalisarnermi aqqissugaanikkut naleqqussaannerimut aalisariutit angissusaasa naleqqussarnissaat inatsisip pingaartut siunertarigaa, taamaalillutik aalisariutit maannakkut siunissamilu pisaqarnissamut periarfissanut naleqqussarneqassallutik.

Angallataatillit akuersissutit pigiinnassallugit kissaateqarpata, inatsisissatut siunnersuut malillugu isaterinerimut tapiissut taamaallaat pineqartup isaterneqarneranut aningaasaliissutigineqassaaq. Siunnersuummi oqaaseqaatit malillugit isaterineq qinnuteqartumut aningaasartuutaassannigilaq. Ilanngullugu paasissutissiissutigineqarpoq tamanna isaterinerimut tapiissutit pillugit nalinginnaasumik naatsorsuinerimut ilanngunneqanngitsoq, taanna pingaarnertut § 15 malillugu malittarisassaqaartinneqarpoq.

Ataatsimiititaliap Naalakkersuisumit Ane Hansenimit paasissutissinneqarpoq (ilanngussaq 2-2), angallatip isaterneqarnera immaqa 150.000 kr-t aamma 230.000 kr.-t akornanni akeqarsinnaasoq. Akinut missingersuummut ilaapput angallatip aserorterneqarnera, umiarsualivimmit aserorteriffimmut angallammik nuussineq, nuussinermi sillimmasiineq aamma eqqagassaaratarsinnaasut ulorianartut passunneqarnerat. Isaterinerimmi inaarutaasumik akiusut tamakkerlugit isaterinerimut tapiissutinik matussuserneqarnissaat, kiisalu akinut missingersuut qulaani taaneqartoq suliaqartumut ataasiinnarmut taamaallaat tunniunneqannginnissaa Ataatsimiititaliap pingaartippaa.

6. Siunnersuutip aningaasatigut kingunerisassai

Siunnersuutip akuerineqarnerani aningaasatigut kinguneqassanngitsoq siunnersuuminut oqaaseqaatini nalinginnaasuni allassimavoq. Tunngaviliussat saqqummiunneqartut malillugit Ataatsimiititaliaq isumaqarpoq allatut naliliinissaq pissutissaqanngitsoq. Taamaalilluni Ataatsimiititaliap tatigaa, apequt taanna Naalakkersuisut sukumiisumik misissorsimagaat, aamma aningaasatigut kingunerisinnaasat allat pilersinnaanngitsut. Akerlinganilli pisortat aningaasiiviinut annertunerusumik aningaasartuuteqarnissaq malunniutissappat, aningaasartuutit tamaku aningaasaliissutaareersunit tiguneqartariaqassapput, taamaattoqassappallu suliniutinik allanik annikillisaanissamik kinguneqartariaqarluni.

7. Ataatsimiititaliap inassutai

Ataatsimiititaliami amerlanerussuteqartut Inuit Ataqtatigiinneersut aamma Demokraati-neersut siunnersuut pillugu ima oqaaseqassapput:

Ullumikkut aalisartut aalisartutut inuussutissarsiuteqarnerminni naammaginantumik inuunermikkut atugaqarnermik attassisinnaanngitsut amerlavallaaqimmata aalisariutinik aaqqissuussa-nermik naleqqussaaneq pisariaqarpoq, ilaatigut aalisariutit akornanni angallatit arlallit pisoqalisimanerat pissutigalugu, kiisalu aalisarnerup tamakkiisuunngitsumik ingerlannissaa aarleqqutigineqarsinnaammat. Taamaattumik isaterinermut tapiissutinik pissarsisinnaaneq aningaasanik tarsiiffigineqarnikkut aalisarnermit ataqqinassuseqarluni peqataajunnaarsinna-nermut periarfissiivoq. Inuit Ataqtatigiit aamma Demokraatit isumaqarput, aaqqissuussa-nermik naleqqussaaneq nammineq piumassutsikkut pissasoq. Malittarisassat ullumikkutut itsil-lugit angallatip pisoqaanera immaqalu ullutsinnut naleqqutinnginnera pissutigalugu, aalisartoq isaterinissamut tapiissutinik pissarserusukkuni pinngitsaalineqarluni aalisarnermit peqataajun-naarsinneqartarpoq. Taamaattumik siunnersuut tikilluaqquneqarpoq, taamaalilluni angallam-mut nutaamut taamaaqataanullu nutaamut tapiissutinik qinnuteqartoqarpat aalisartut marlut imaluunniit amerlanerit kattussinnaaneran- nut akuersissutininnillu attassiinnarsinnaanerannut periarfissaq ammaan- neqarmat. Taamaalilluni aaqqissuussineq aalisariutit nutaanngitsut taar-sersorneqarnerannut ilapittuutaavoq, aalisartullu aalisarnerminik ingerlatsiinnarnissani periarfissaralugu.

Ataatsimiititaliami amerlanerussuteqartut qulaani taaneqartut tamanna tunngavigalugu siunnersuut **akuerineqassasoq inassutigaat.**


Ataatsimiititaliami ikinnerussuteqartut Siimeersut siunnersuut pillugu ima oqaaseqas-sapput:

Siumut isumaqarpoq, aalisartunut ajornartorsioreeqisunut atugassarititat pitsaanerulersinne-qassasut. Taamaattumik angallammik nutaanngitsumik aalisartut aserfallatsaaliinissamut ani-

ngaasaqarnikkut ajornartorsiorsinnaasut tapersersornissaat pingaaruteqarpoq. Aalisartooq angallammunik isaterinissamut ikiorserneqarnissamik kissaateqarpat, malittarisassat atuuttut malillugit aalisarnermit peqataajunnaarnissamut pinngitsaalineqartarnera Siumup naammagi-nanngitsutut isigaa. Aalisartumut isaterinermut tapiissutinik kissaateqartumut periarfissat eqaatsuussapput, taamaalilluni aalisartup akuersissutimi pigiinnarnissaa periarfissarissam-magu, peqatigitillugulu angallammut nutaamut taamaaqataanullu nutaamut tapiissutinik qin-nuteqaruni. Inuussutissarsiutip attatiinnarsinnaaneranut periarfissaqarnissamut aalisartumik allamik kattusseqateqarnissaq piunasaqaataassanngilaq. Tamannattaq 2011-mi ukiakkut ataatsimiinnermi Aalisarnermut aningaasaliissutitut immikkoortitat pillugit inatsisip allan-gortinneqarneranut (UKA 2011/104) suliaqarnermut atatillugu Aalisarnermut ataatsimiiti-taliap isumaqatigiittup pingajussaaneernejarneranut isumaliutissiisummini Naalakkersui-sunut kaammattuutigaa. Tamanna tunngavigalugu Siumup siunnersuut una tapersersor-sinnaanngilaa.

Ataatsimiititaliami ikinnerussuteqartut Siumumeersut tamanna tunngavigalugu siunnersuut **itigartinneqassasoq inassutigaat.**


Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.




Aqqaluaq B. Egede,
Siulittaasoq




Jørgen-Ole N. Nielsen,
Siulittaasup tullia




Hans Aronsen




Finn Karlsen



Juliane Henningsen



Hans Enoksen



Karl Lyberth



Sulinermik Inuussutissarsiuqartut Kattuffiat

Aqqusinersuaq 31 • Postboks 9 • 3900 Nuuk • Tlf.: +299 32 21 33 • Fax: +299 32 49 39 • E-mail: sik@sik.gl

ILANNGUSSAQ 1

Departement for Fiskeri, Fangst og Landbrug
Postboks 269
3900 Nuuk

E.mail: kaod@nanoq.gl

Nuuk, den 03.04. 2012
Journal nr.: 8012
Brevnr.: SIK0095-12
Ref.: JGB/rp

Aalisarnermut aningaasaliisutinut immikkoortitat pillugit Inatsisartut inatsisat nr. 15,20.november 2006-meersup allanguutissatut siunnersuummut tusarniaaneq

Nalunaarutigissavarput tusarniaanermut pineqartumut tunngatillugu SIK-miit oqaase-qaatigisassaqaannginnatta

Med venlige hilsen

Jess G. Berthelsen
Forbundsformand



Kalaallit Nunaanni Sulisitsisut Peqatigiiffiat
Grønlands Arbejdsgiverforening

Jens Kreutzmannip Aqq. 3 | Postboks 73 | 3900 Nuuk | www.ga.gl
Tlf. +299 32 15 00 | Fax nr. +299 32 43 40 | ga@ga.gl

ILANNGUSSAQ 1

Departementet for Fiskeri, Fangst og Landbrug
Postboks 680
3900 Nuuk

Nuuk, den 3. april 2012
J.nr. Erhvervslovgivning /
Fiskeri

Pr. mail: apnn@nanoq.gl

Vedrørende høring af forslag til ændring af Landstingslov nr. 15, 20. november 2006 om fiskerifinansieringspulje.

Departementet for Fiskeri, Fangst og Landbrug har ved mail af den 27. februar 2012 fremsendt "Forslag til: Inatsisartutlov nr. xx af xxxx 2012 om ændring af Landstingslov om fiskerifinansieringspulje" i høring.

Grønlands Arbejdsgiverforening har følgende kommentar:

Lovens formål er at strukturtilpasse fiskeriet, således gamle udtjent fartøjer kommer ud af fiskeriet. I vores egenskab som medlem af Ophugningsstøtteudvalget og hvad vi kan se af regnskaberne for Landkassen, viser at ordningen i de seneste år ikke benyttes, deraf kan konkluderes at den ikke anvendes indenfor de rammer, der er sat i loven.

Vi har tidligere kunne konstatere, at der har været forespørgsel fra potentielle ansøgere om hvorvidt de både kan modtage ophugningsstøtte og beholde deres licenser. Dette er ikke en mulighed, og bidrager heller ikke til strukturtilpasning.

Strukturtilpasning går alene ud på at fjerne udtjente og ineffektive fiskefartøjer, og give plads til mere tidsvarende og økonomisk bæredygtige fartøjer og tilpasset kvoten.

Derfor kan vi tilslutte os ændringsforslaget, der vil give flere muligheder for at strukturtilpasse fiskeriet.

Bemærkninger til enkelte bestemmelser:

Ændringsforslaget forudsætter, at når der er tale om to eller flere fiskerier med fartøjer sammen søger om ophugningsstøtte. Ved sådan et tilfælde, så kan ansøgerne beholde deres fiskeritilladelse, mens resten af bestemmelsen i § 16, stk. 2 vil være gældende.

Hvorvidt der i bestemmelserne skal står, at de kun skal gælde for samme fiskeri, eller skal gives mulighed for kombinationsfiskeri burde fremgå. Under alle omstændigheder bør et økonomisk, biologisk bæredygtigt fiskeri give mulighed herfor.

Med venlig hilsen
P.f.v.

Bent Sørensen
Konsulent



INATSISARTUT

Ataatsimiititaliamut Aalisarnermut, Piniarnermut
Nunalerinermullu Naalakkersuisoq
/Maani

ILANNGUSSAQ 2-1

Ulloq: 15. juni 2012
J.nr.: 01.36.01.03-00044

Aalisarnermut aningaasaliissutininut immikkoortitat pillugit Inatsisartut inatsisissaata allanngortinnissaanut siunnersuut pillugu apeqqutit

UPA 2012-mi Aalisarnermut aningaasaliissutininut immikkoortitat pillugit Inatsisartut inatsisissaata allanngortinnissaanut siunnersuut UKA 2012-mi aappassaaneerneqarnissaanut isumaliutfissiissusiornissaq siunertaralugu Aalisarnermut, Piniarnermut Nunalerinermullu ataatsimiititaliamut innersuunneqarpoq.


Inatsisissatut siunnersuutip Ataatsimiititaliamit suliarineqarneranut atugassatut Ataatsimiititaliaq sinnerlugu apeqqutit uku akineqarnissaat Aalisarnermut, Piniarnermut Nunalerinermullu Naalakkersuisoq qinnuigissavara.

1. Ulloq 2. november 2011 Aalisarnermut ataatsimiititaliamik isumasioqateqarnermi Aalisarnermut, Piniarnermut Nunalerinermullu Naalakkersuisup erseqqissaatigaa, angallammik aserorterineq 150.000 kr-it aamma 230.000 kr.-it akornanni akeqassasoq naatsorsuutigineqartoq. Naalakkersuisunut ilaasortap erserqissaatigisinnaavaa, angallatip umiatsiartaanik aserorterinerup saniatigut kiffartuussinerit suut akitigut missingiutininut ilaatinneqarnerisut, assersuutigalugu umiarsualivimmit aserorteriffimmut angallammik nuussineq, nuussinermi sillimmasiineq, eqqagassaaratarsinnaasut ulorianartut passunneqarnerat il.il.? Aserorterinermut tapiissummut angallatip Kalaallit Nunaanni aserorterineqarnissaa piumasaqaataassava?

2. Kalaallit Nunaanni Sulisitsisut tusarniaanermi akissumminni aalisartut marlut angallammik nutaamik pisiniarlutik kattunnerminni nutaanngitsullu aserorternissaannut tapiiffigineqarnissamut qinnuteqarpata assigiinngitsunik aalisariaaseqarnissamut periarfissaq taavaat. Assigiinngitsunik aalisariaaseqarnermut immikkut maleruagassanik atuuttoqarnerisooq Naalakkersuisunut ilaasorta q erseqqissaatigisinnaavaa, taamaattoqarpallu suut?

Akissutit Ataatsimiititaliamit ullut suliffiit 15-it qaangiutsinnagit kalaallisut qallunaatullu Ataatsimiititaliamit pissarsiarineqarnissaat qinnutigissavara, assilineqarneralu qarasaasiakkut uunga: julie@inatsisartut.gl.

Inussiarnersumik inuulluaqqusillunga


Aqqaluq B. Egede

Ataatsimiititaliami Siulittaasoq



Inatsisartut Aalisarnermut, Piniarnermut Nunalerinermullu Ataatsimiititaliaat

ILANNGUSSAQ 2-2

-/Maani

Ataatsimiititaliap apequteqaataanut 15. juni 2012-ineersunut akissutit

28. juni 2012
Sagsnr. 2012-060887
Dok. Nr. 943394

Inatsisartut Aalisarnermut, Piniarnermut Nunalerinermullu ataatsimiititaliaata allakkiatigut 15. juni 2012-imeersutigut apeqqutinik marlunnik nassissimavaanga Aalisarnermut aningaasaliissutinut immikkoortitat pillugit inatsisartut inatsisissaata allangortinnissaanut siunnersuut pillugu suliarineqarnerani isumaliutissiissusiornissaq siunerataralugu atugassanik.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Ataatsimiititaliamit ukua apeqqutigineqarput:

1. Ulloq 2. novembari 2011 Aalisarnermut ataatsimiititaliamik isumasioqateqarnermini Aalisarnermut, Piniarnermut Nunalerinermullu Naalakkersuisup erseqqissaatigaa, angallammik aserorterineq 150.000 kr.-it aamma 230.000 kr.-it akornanni akeqassasoq naatsorsuutigineqartoq. Naalakkersuisunut ilaasortap erseqqissaatigisinnavaa, angallatip umiatsiartaanik aserorterinerup saniatigut kiffartuussinerit suut akitigut missingiutinut ilaatinneqarnerisut, assersuutigalugu umiarsualivimmit aserorteriffimmut angallammik nuussineq, nuussinermi sillimmasiineq, eqqagassaaratarsinnaasut ulorianartut passunneqarnerat il.il.? Aserorterinermut tapiissummut angallatip Kalaallit Nunaanni aserorterneqarnissaa piumasaqaataassava?

Apeqqummut 1-imut akissut:

Naalakkersuisut isumaqarput akigitinneqartussatut naatsorsuutaasut iluaniimmata angallatip aserorterneqarnera, umiarsualivimmit aserorteriffimmut angallammik nuussineq, nuussinermi sillimmasiineq aamma eqqagassaaratarsinnaasut ulorianartut passunneqarnerat. Akit naatsorsuuffigineqarnerini BJ Entrepriise Sisimiuniittumi akit aallaaviupput. Soorunami akimut missingersuutaasumut apeqqutaassaaq angallatip angissusia, aserorterivimmut ungasissusia, angallatip qanoq innera angallatillu sananeqaataa. Angallataatillip aserorterisussallu pineqartumut isumaqatigiissusiaat naggataasigut apeqqutaasussaavoq. Piumasaqaataannngilarli angallammik piginnittoq siumut aalajangeriikkamik aserorterisussamik suliakkiuteqarsinnaasoq. Assinganittaag piumasaqaataannngilaq Kalaallit Nunaanni aserorterisoqartariaqartoq.

Aserorterinissamut akissatut naatsorsuutigineqartut Kalaallit Nunaanni aserorterisitsinissamik tunngaveqarput, aserorterinermut tapi taamaallaat angallatinut 75 BRT/120 BT ataallugu angitigisunut inatsit malillugu tunniunneqarsinnaammat. Angallatit taakku allami aserorterneqassagaluarpata assartorneqarneri akisuallaassaaq, angallatimmi taakku Kalaallit Nunaanni isaternissaat pisinnaammat.

2. Kalaallit Nunaanni Sulisitsisut tusarniaanermi akissumminni aalisartut marluk angallammik nutaamik pisiniarlutik kattunnerminni nutaangitsullu aserorternissaannut tapiiffiqineqarnissamut qinnuteqarpata assigiinngitsunik aalisariaaseqarnissamut periarfissaq taavaat. Assigiinngitsunik aalisariaaseqarnermut immikkut maleruagassanik atuuttoqarnersoq Naalakkersuisunut ilaasorta q erseqqissaatigisinnaavaa, taamaattoqarpallu suut?

Assigiinngitsunik aalisariaaseqarnermut immikkut maleruagassanik atuuttoqanngilaq. Taamaattumik ajornartorsiutaasussaangilaq aalisartut marluk siusinnerusukkut assigiinngitsunik aalisarnikuusimasut kattullutik nutaamik angallatitaarunik, taamaasillutik aalisarsinnaanermut akuersissutit siusinnerusukkut pigisimasatik pisinnaassammatigit.

Peqataasunut aalisarsinnaanermik akuersissutitik siusinnerusukkut pigisimangisaannik tunisineq inatsisit maleruagassallu qaqugukkulluunniit atuuttut malillugit pissaaq.

Inussiarnersumik inuulluaqqusillunga
Med venlig hilsen

Ane Hansen



ILANNGUSSAQ 3

Inatsisartut Aalisarnermut, Piniarnermut Nunalerinermullu Ataatsimiititaliaat
-/Maani

**Aalisarnermut aningaasaliissutitut immikkoortitat pillugit inatsisartut inatsisaata
allanngortinnera pillugu Inatsisartut inatsisissaattut siunnersuutip aappassaa-
neerlugu suliarineqarneranut tunngasoq**

09. Juli 2012
Sullap nr. 2012-060887
Dok. Nr. 958095

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Inatsisartut Allattoqarfiani siunnersuutip inatsisiligit misissorneqarneranut atatillugu pi-
umasarineqarpoq, siunnersuutip tusarniaaffigineqarneranut akissutit tigooqqarneqar-
neranni amerlanerusunik paasissutissiisoqassasoq aamma tusarniaanermut akissutit
aallaavigalugit sunik allannguisoqarsimaneranut tunngatillugu. Tassunga atatillugu
nalunaarutigissavara:

Tusarniaanermut akissutit SIK-mit Nunatsinnilu Sulisitsisut Peqatigiiffianit tiguneqarput.
Taakku marluullutik inatsisissatut siunnersuut tapersersorpaat. Nunatsinnili Sulisitsisut
Peqatigiiffianit erseqqissaqquneqarpoq, § 16, imm. 3-mut siunnersuutigineqartoq naa-
pertorlugu aalisarnissamut akuersissutit atuutsiinnarneqarnerat aalisakkanik assigiinn-
gitsunik aalisarnissamut periarfissiinersoq.

Aalisakkanik assigiinngitsunik aalisarsinnaaneq tassungalu atatillugu aqutsinermi inger-
latseriaaseq inatsisit allat atorlugit naleqqussarneqarput, aamma inatsisissatut siun-
nersuusiornermi aalisakkanik assigiinngitsunik aalisarsinnaanermi periarfissat killiliussal-
lu allanngortinneqarnissaat siunertarinqanngilaq. Aalisarnissamut akuersissutit atu-
tiinnarneqarneranut tunngatillugu oqaatigineqassaaq, aalisariutinik marlunnik amerla-
nerusunilluunniit piginnittut, assersuutigalugu raajarniutaatillit saattuarniutaatillilu angal-
lamminnik isaterinissamut tapiissutinik qinnuteqarnertik ilutigalugu, angallammik a-
taatsimik ataatsimoorussassamik pissarsiniarnerminnut tapiissutinik qinnuteqarnerat,
ataatsimoorussamik aalisariutitaarneqartup aalisakkanik assigiinngitsunik aalisarsin-
naanera killilerneqanngilaq.

Taamaalilluni tusarniaanermut akissutit siunnersuummik allannguititsinngillat.

Inussiarnersumik inuulluaqqusillunga
Med venlig hilsen

Ane Hansen